

Broj:  
Sarajevo, 23.4.2008. godine

**Z A P I S N I K**

**Konstituirajuće sjednice Vijeća nacionalnih manjina Bosne i Hercegovine,  
održane 23. aprila 2008. godine**

Sjednica je počela u 9,30 sati.

Sjednici su prisustvovali članovi Vijeća nacionalnih manjina: Nedžad Jusić, Andrija Svatok, Halil Bicaj, Jovanka Manzalović Šalaka, Tihomir Knežiček, Iren Milivojević, Vasilija Ibrahimagić, Darko Kovč i Marija Grbić.

Odsustvo je opravdao Jakob Finci.

Sjednici su prisustvovali poslanici i delegati: Milorad Živković, Niko Lozančić, Mladen Ivanić, Sadik Ahmetović, Azra Alajbegović, Zoran Koprivica i Drago Ljubičić.

Sjednici su prisustvovali i: Branka Todorović, sekretar Predstavničkog doma, Emina Jahić, sekretar Zajedničke komisije za ljudska prava, prava djeteta, mlade, imigraciju, izbjeglice, azil i etiku, i Maksim Stanišić, pomoćnik ministra za ljudska prava i izbjeglice BiH.

Za sjednicu je predložen

**DNEVNI RED**

- 1. Izbor predsjedavajućeg, te prvog i drugog zamjenika predsjedavajućeg Vijeća nacionalnih manjina BiH;**
- 2. Dogovor o aktivnostima u vezi s organizacijom i načinom rada Vijeća nacionalnih manjina BiH.**

Konstituirajućom sjednicom Vijeća nacionalnih manjina Bosne i Hercegovine predsjedavali su Milorad Živković, predsjedavajući Predstavničkog doma, i Mladen Ivanić, prvi zamjenik predsjedavajućeg Doma naroda Parlamentarne skupštine BiH.

- 1. Izbor predsjedavajućeg, te prvog i drugog zamjenika predsjedavajućeg Vijeća nacionalnih manjina BiH**

**Predsjedavajući Milorad Živković** otvorio je sjednicu i prisutne upoznao o potrebi izbora predsjedavajućeg, te prvog i drugog zamjenika predsjedavajućeg Vijeća nacionalnih

manjina BiH, u skladu s predloženim dnevnim redom. Nakon uvodnog izlaganja, **Milorad Živković** pozvao je prisutne članove Vijeća da daju svoje prijedloge.

**Sadik Ahmetović**, predsjedavajući Zajedničke komisije za ljudska prava, prava djeteta, mlade, imigraciju, izbjeglice, azil i etiku, rekao je da navedena komisija za predsjedavajućeg Vijeća predlaže predstavnika najveće nacionalne manjine u BiH iz romskog naroda.

S obzirom da su svi članovi Vijeća podržali prijedlog da predsjedavajući bude predstavnik najveće nacionalne manjine, predsjedavajući **Milorad Živković** konstatirao je da je Nedžad Jusić jednoglasno izabran za predsjedavajućeg Vijeća nacionalnih manjina BiH.

**Jovanka Manžalović Šalaka** je za prvog zamjenika predsjedavajućeg Vijeća predložila Mariju Grbić, predstavnicu slovenske nacionalne manjine u BiH.

Predsjedavajući **Milorad Živković** pozvao je članove Vijeća da se izjasne o iznesenom prijedlogu za izbor prvog zamjenika predsjedavajućeg.

Marija Grbić jednoglasno je izabrana za prvog zamjenika predsjedavajućeg Vijeća.

## **2. Dogovor o aktivnostima u vezi s organizacijom i načinom rada Vijeća nacionalnih manjina BiH**

Predsjedavajući **Milorad Živković** istakao je da Vijeće, prema Odluci o osnivanju Vijeća nacionalnih manjina BiH, ima dužnost da svoj način rada i druga pitanja uredi posebnim aktom u roku od 60 dana od dana konstituiranja Vijeća. S tim u vezi **Živković** je predložio da predsjedavajući Vijeća Nedžad Jusić, zamjenica predsjedavajućeg Marija Grbić i svi prisutni članovi u daljnjem toku sjednice definiraju metode rada i zauzmu stav o načinu izrade Poslovnika o radu Vijeća nacionalnih manjina BiH i Orijentacionom planu rada Vijeća za 2008. godinu.

Predsjedavajući Vijeća **Nedžad Jusić** predložio je da članovi Vijeća izaberu i drugog zamjenika predsjedavajućeg Vijeća.

Članovi Vijeća jednoglasno su podržali prijedlog da drugi zamjenik predsjedavajućeg bude predstavnica makedonske nacionalne manjine Vasilija Ibrahimagić.

Nakon duže rasprave, predsjedavajući **Nedžad Jusić** stavio je na glasanje zaključke:

1. da Kolegij Vijeća, u saradnji sa sekretarom Komisije Eminom Jahić, u roku od 15 dana, izradi Nacrt pravilnika o radu Vijeća nacionalnih manjina BiH;
2. da članovi Vijeća, u roku od dvije sedmice, dostave pojedinačne prijedloge o programu rada Vijeća za 2008. godinu koji će se nakon razmatranja objediniti i biti predmet razmatranja na narednoj sjednici Vijeća;
3. da se naredna sjednica Vijeća nacionalnih manjina BiH održi u roku od mjesec dana.

Vijeće je jednoglasno usvojilo predložene zaključke.

Sjednica je završena u 11 sati.

**Predsjedavajući  
Predstavničkog doma  
Milorad Živković, s.r.**

**Prvi zamjenik predsjedavajućeg  
Doma naroda  
Mladen Ivanić, s.r.**